



Broj: 13-01/2-30-15778/20
Sarajevo, 22.12.2020. godine

Na osnovu Člana 26. stav (1) tačka a) Zakona o državnoj službi Kantonu Sarajevo (“Službene novine Kantona Sarajevo”, broj: 31/16 i 45/19) i člana 31. Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa (“Službene novine Kantona Sarajevo”, broj: 39/16 i 10/17), ministrica za rad, socijalnu politiku, raseljena lica i izbjeglice Kantona Sarajevo, rješavajući po zahtjevu za davanje saglasnosti za obavljanje dopunske djelatnosti podnesenom od strane Belme Trajkov, državne službenice, raspoređene na radno mjesto Sekretarka ministarstva u Ministarstvu za rad, socijalnu politiku, raseljena lica i izbjeglice Kantona Sarajevo, donosi

RJEŠENJE

1. BELMI TRAJKOV, državnoj službenici – Sekretarki ministarstva u Ministarstvu za rad, socijalnu politiku, raseljena lica i izbjeglice Kantona Sarajevo, daje se saglasnost za obavljanje dopunske djelatnosti za koju se plaća naknada, a odnosi se na angažman u projektu “Inicijalna platforma za ekonomsko osnaživanje osoba sa invaliditetom”, i to samo pod uslovom da dopunska djelatnost ne remeti obavljanje službenih poslova iz nadležnosti organa državne službe za koje je zadužena državna službenica. U slučaju da se dopunska djelatnost obavlja u toku radnog vremena ista se može obavljati u skladu sa Uredbom o radnom vremenu u organima uprave Kantona Sarajevo (“Službene novine Kantona Sarajevo”, broj: 39/17).

2. Ovo rješenje se primjenjuje od dana donošenja istog.

Obrazloženje

Belma Trajkov, Sekretarka ministarstva u Ministarstvu za rad, socijalnu politiku, raseljena lica i izbjeglice Kantona Sarajevo je dana 21.12.2020. godine podnijela zahtjev za davanje saglasnosti za obavljanje dodatne djelatnosti za koju se plaća naknada.



Obzirom da je Članom 31. Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanje određenih prava iz radnog odnosa ("Službene novine Kantona Sarajevo" broj: 39/16 i 10/17) propisano da "državni službenik može obavljati dopunska djelatnost za koju se plaća naknada u slučajevima koji se odnose na pružanje raznih stručnih usluga iz oblasti ekonomskih, tehničko-tehnoloških i pravnih poslova, kao što je izrada programa, projektovanje, računovodstveni, finansijski i pravni poslovi, edukacija i obrazovanje, rad u raznim stručnim komisijama ili radnim grupama, rad u upravnim i nadzornim odborima javnih ustanova, skupština kantonalnih, gradskih i općinskih javnih preduzeća i drugih pravnih lica čiji je osnivač Kanton, Grad, odnosno općine i vršenje drugih slučnih intelektualnih poslova", zahtjevu imenovane je udovoljeno.

Dopunska djelatnost za koju je data saglasnost može se obavljati samo pod uslovom da obavljanje te djelatnosti ne remeti obavljanje službenih poslova za koje je zadužena državna službenica. U slučaju da se dopunska djelatnost obavlja u toku radnog vremena ista se može obavljati u skladu sa Uredbom o radnom vremenu u organima uprave Kantona Sarajevo ("Službene novine Kantona Sarajevo", broj: 39/17).

Ukoliko državna službenica ne bude poštovala navedeni uslov pod kojim je data saglasnost, ista će biti ukinuta.

Pouka o pravnom lijeku; Protiv ovog rješenja može se izjaviti žalba Odboru državne službe za žalbe Federacije Bosne i Hercegovine u roku od 15 dana od dana prijema istog.



Dostaviti: 23-12-2020
1. Imenovanoj,
2. SSZP Kantona Sarajevo,
3. a/a.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

